

October 23, 2020

www.awemainta.com

www.facebook.com/awemainta

noticia@awemainta.com


583-1400



AWEMainta

Despues di mustra cu e mocion no ta legal

A CONVENCE GOBERNADOR THE OTHER WAY PA TERMINA MARISOL COMO MINISTER



GOBERNADOR a tuma e decision pa retira señora drs. Marisol J. Lopez-Tromp for di su funcion di Minister entrante ayera. Consejo di minister a bay di acuerdo dia 21 di october 2020 cu retiro di e Minister di Desarrollo Teritorial, Infraestructura y Medio Ambiente.

A tuma e decision na interes di continuacion di Gabinete Wever-Croes, cu bista riba e retonan extraordinario cu Aruba ta enfrentando. Funcionamento di e Gobierno tabata na peliger como cu no por a garantiza unidad di e maneho gubernamental.

Tanto p'e Ministernan conhunto como pa cada Minister individual ta di importancia pa, encuan to e maneho di Gobierno, nan ta riba e mes un liña y cu nan ta propaga of por propaga e liña ey. Reaccionando riba e carta cu Gobernador a manda ayera merdia pa Presidente di Parlamento, unda cu a pidi p'e huicio di Parlamento, Parlamento a indica cu un mayoria no tin obhecion contra e intencion pa retira Minister Lopez-Tromp.

Gobernador a dicidi tambe di encarga señora mr. Evelyn C. Wever-Croes, Minister di Asunto General, Integridad, Maneho Aparato Gubernamental, Inovacion y Energia cu direccion di y responsabilidad p'e Ministerio di Desarrollo Teritorial, Infraestructura y Medio Ambiente.

Di e forma aki a yega na final di e capitulo di Marisol Lopez Tromp, pero tambe ta pasa pa historia cu Ady Thijsen como Presidente di Parlamento a faya barbaramente.